

XLV. *Christiani Franc.* PAVLLINI (d) rerum Germanicarum syntagma (e). *Francof.* 1698. 4t. Eiusdem Geographia (f) curiosa de pagis veteris Germaniae, *Francof.* 1699. 4t.

XLVI. *MSCta* etiam alia, historiam Saxoniam concernentia, in supellectili mea sunt. 1) *Davidis* SCHIRMERII vita Mauritii Electoris, opus cum iudicio scriptum & plenum (*). 2) Eiusdem Beschreibung, mit was vor Gepränge Churfürst Morizen die Chur zu Lehen übergeben worden. 3) *Bernhardi* FREYDINGII, Saxoniae Electori a secretis, Verzeichniß des Thuns Herzog Henrichs zu Sachsen, wie diese Landes-Regierung nach Herzog Georgen Tod an Ihn kommen, dardurch das Evangelium darinnen angefangen, auch wie Er in dessen Erkänntniß seelig verschieden; fol.

Plura

(d) Natione Thuringus, professione medicus, re ipsa eruditus, ac felix rerum Germanicarum indagator. Vtinam diplomatum rariorum codicem haberemus, quem ille patriae suae promisit. Sed haec forte tanto viro indigna.

(e) Chronica & diplomata aliorum inedita exhibet hoc volumine, sigillatim de rebus *Ifenacensibus, Huxariensibus, Mindensibus, Numburgensibus, Altenburgensibus, Odburgensibus, Badeslebiensibus, Corbeiensibus, Fuldensibus*. Quos libros omnes notis auxit in margine. Cuius exemplum vtinam alii sequerentur rer. Germ. editores.

(f) Praesertim Thuringiae, Saxoniae & Anhaltinos pagos exhibet ex lucubratiunculis Meibomii ac Knauthii in hoc argumento.

(*) Quod an. 1719. in 8. euulgavit WEBERVS *Giessensis*, sed, quod fieri non debuerat, interpolatum reiectis orationibus, historiae insertis. Est vero *David* SCHIRMER interpretes non scriptor operis. Quod auctorem habet *Georg. ARNOLDVM*, cancellarium Naumburgensem, qui 1588. obiit, scripsitque illud Latine, vnde Germanice vertit Schirmerus.